

Dari Sebulan ke Sebulan

Seorang penanya di ruangan Kemosykilan Radio Singapura bahawa bagaimanakah hukumnya seorang yang hendak mencium tangan seorang ulama, kerana mengambil berkat umpamanya. Ustaz Daud Ali, tukang penjawab pertanyaan itu mengatakan bahawa mencium tangan kiyai atau ulama itu haram dikecualikan kalau tangannya berlapik, boleh seorang wanita mencium tangan seorang ulama. Orang tersenyum mendengar fatwa itu kerana rupanya ustaz ini pukal borong – boleh bersalam dan cium tangan seorang ustaz atau kiyai kalau berlapik. Orang bertanya apakah kerana berlapik itu *mansūkh* hukuman Rasulullah yang menegah bersalam di antara wanita dan lelaki? Apakah pemandangan Pak kiyai yang sudah hampir kepada wanita itu tidak diharamkan? Baik-baik ustaz – kalau mau berhujah lebih dalam cuba jawab bantahan orang yang mengharangkan bersalam di antara wanita dengan lelaki! Bagaimana ustaz, boleh ketengah?

* * *

Di antara beberapa jawapan Ustaz Daud di Radio Singapura itu dikatakannya orang-orang yang tidak berasli itu adalah daripada golongan orang-orang mazhab yang kelima. Apakah yang dikehendaki oleh ustaz itu tentang mazhab yang kelima – tidak disebutnya, bahkan dibuatnya sindiran sahaja. Dengan kerana keceluparannya itu orang bertanya dari dalam kitab empat mazhab yang manakah satu yang dapat menunjukkan ada hadis menyebut bahawa lafaz asli itu sunnah daripada Nabi *sallā Allāhu ‘alayhi wa sallam*. Kalau betul ustaz itu ahli cubalah beri hadisnya atau ada di antaranya perkataan daripada Imam Shāfi‘ī sendiri yang mengatakan lafaz asli itu sunnah. Baik-baik ustaz, jangan sebarang jawab sebab orang-orang di sini malu didengar orang di luar negeri akan jawapan-jawapan yang tidak berhujah – hanya jawapan-jawapan seperti

setengah-setengah lebai pondok sahaja – yang tidak mau beri keterangan.

* * *

Tuan Rajaratnam, Menteri Kebudayaan Singapura tatkala bercakap di dalam Radio Singapura mengatakan bahawa percantuman Singapura dengan Persekutuan Tanah Melayu akan tercapai apabila Singapura bangsanya telah menjadi bangsa Malayan dan demikian juga Persekutuan Tanah Melayu bangsanya Malayan. Sebab itulah, katanya, kerajaan tidak membenarkan perjumpaan-perjumpaan am yang bersifat perkauman. Hal ini patut diperhatikan oleh orang-orang di Persekutuan terutamanya orang-orang dari PAS dan Parti Negara. PAS mau percantuman antara Singapura dengan Persekutuan tetapi bangsanya bangsa Melayu. Sedang Perikatan di Persekutuan hingga sekarang belum memberi apa rupa bangsa yang dikehendakinya – Melayukah atau Malayan. Tunku masih samar-samar di dalam hal ini.

* * *

Mengenai perkara-perkara kebudayaan yang dianjurkan oleh Menteri Kebudayaan Singapura masih juga menjadi suatu pertanyaan. Nampaknya kelibatnya seolah-olah ia hendak meleburkan semua kebudayaan menjadi satu – kebudayaan Melayu, India dan Cina yang menjadi penduduk di sini. Kerana ketidaan ketegasan itu maka ahli-ahli kebudayaan Melayu mendesak supaya teras kebudayaan Singapura ialah kebudayaan Melayu. Orang-orang Cina tentu menghendaki pula teras kebudayaan Cina hendaklah dijadikan teras kebudayaan Singapura dan seterusya. Kerana itu orang bertanya, terutamanya orang-orang Melayu yang beragama Islam bagaimanakah kalau kebudayaan Melayu yang bertunas daripada agama Islam itu dilebur dijadikan satu dengan lain-lain kebudayaan? Inilah

perkara yang patut diperhatikan oleh Kementerian Kebudayaan.

Mereka patut ingat bahawa orang-orang Melayu (Islam) tidak buta kepada apa yang dijalankan di hadapannya.

* * *

Tunku Abdul Rahman, Perdana Menteri Persekutuan tatkala berada di Australia dengan jelas menyatakan bahawa tidak akan ada percantuman di antara Singapura dengan Persekutuan Tanah Melayu. Alasan yang diberinya ialah kerana Persekutuan berfaham kanan sedang Singapura berfaham kiri. Sememangnya kalau dua faham berlainan – yang satu kanan dan yang satu kiri tidak mungkin disatukan dan bersatu – ini adat dunia. Ketegasan Tengku atas dasarnya ini patut dipuji.

* * *

Di Persekutuan Tanah Melayu cukai-cukai pendapatan naik. Bukan itu sahaja ada pula cukai-cukai baharu mengenai makanan. Kerana itu Parti Progresif Selangor berniat mengadakan bantahan dengan mengadakan himpunan berlapar di hadapan bangunan Menteri Kewangan. Bukan itu sahaja tetapi mereka akan menganjurkan harta. Ini adalah satu hal kalau cukai memberatkan rakyat jelata terutamanya kalau susu kanak-kanak dinaikkan tentulah kesihatan rakyat yang akan datang akan berkurang. Sebaliknya orang-orang hairan mengapa pula ada menteri-menteri, tatkala bercakap mempertahankan cadangannya supaya makan buah-buah Malaya sendiri supaya wang tidak keluar. Ia bercakap untuk iktisad negeri tetapi mereka sendiri pakai motorkar besar-besar untuk menunjukkan kemewahan. Apakah ini tidak sebagai lain dikata lain dibuat?

* * *

Di dalam Persidangan Majlis Mesyuarat Kerajaan Persekutuan Tanah Melayu Dato' Onn menyatakan bahawa ia hendak bertanya perihal dasar luar Persekutuan kepada Menteri Luar Negeri tetapi ia tidak ada. Kerana itu Tunku dikatakan menyatakan bahawa pihak kerajaan bersedia memberi jawapan-jawapan

kepada apa juu yang ditanyakan. Kerana itu Dato' Onn bertanya, iaitu setelah Menteri Luar Negeri pulang ia menyatakan kepada akhbar bahawa ia berpuas hati atas dasar-dasar luar kerajaannya. Dato' Onn bertanya dengan dasar apakah kerajaan berpuas hati itu? Pertanyaan Dato' Onn ini langsung tidak berjawab. Orang yang membaca berita itu tersenyum.

* * *

Menurut berita akhbar bahawa pihak yang berkuasa Mahkamah Syariah Singapura telah mengadakan suatu borang-borang baharu dalam pendaftaran nikah orang-orang Islam di sini dengan mengadakan syarat (*ta'līq*) dengan secara bertulis yang mesti dipatuhi oleh tiap-tiap suami isteri. *ta'līq* yang bertulis di dalam borang pendaftaran tersebut adalah seperti berikut:

“Jika saya si fulan bin fulan tidak memberi nafkah yang cukup kepada isteri saya selama tiga bulan atau lebih atau saya pukul akan dia dengan pukulan yang melukakan atau melebamkan atau saya halaukan dia atau saya madukan dia, maka jika dia tidak sabar dan menuntut cerai di Mahkamah Syariah lalu mahkamah dapat pengaduannya benar nescaya gugurlah talak satu pada isteri saya.”

Orang-orang yang mengerti hukum Islam berasa hairan mendengar ini kerana berdasarkan hukum Islam yang manakah dibuat mereka memaksa *ta'līq* seperti itu. Apakah orang-orang atasan ini fikir orang-orang Islam mau telan bulat-bulat sahaja pendapat ini?

* * *

Sebelum *ta'līq* ini tersiar adalah disampaikan bahawa Peguam Agung Negara Singapura dikatakan telah meminta pendapat Majlis Penasihat Islam Singapura dan *Jami'iyyah al-Da'wah al-Islamiyah* atas perkara-perkara agama di antaranya perkara-perkara mengenai beristeri lebih daripada satu yang diharamkan kepada bangsa lain. Nampaknya Peguam Agung Negara Singapura hendak (bersambung ke muka 23)

Dari Sebulan ke Sebulan

(sambungan dari muka 6)

memperundang-undangkan perkara-perkara ini dengan meminta kedua-dua tempat itu merundingkannya iaitu (1) seseorang yang hendak beristeri lagi hendaklah meminta izin daripada isterinya, (2) seseorang yang hendak beristeri lagi satu itu hendaklah keadaan kebolehannya (mālihnya) diperiksa, dan (3) hendaklah berlaku adil. Tiga perkara ini yang pertama dikatakan telah ditolak oleh Majlis Islam Penasihat Kerajaan sedang syarat yang kedua dan yang ketiga diterima. Tetapi *Jam'iyyah* tidak menerimanya – mereka menyerahkan kepada satu jawatankuasa terdiri daripada lima orang ulama-ulama. Tetapi khabar kemudian perkara itu ditarik balik oleh Peguam Agung Negara. Sesudah itu tahu-tahu – khabarnya dengan tidak meminta pendapat Majlis Islam Penasihat Kerajaan Singapura melalui Mahkamah Syariahnya memaksa tiap-tiap seorang ber-*ta'līq* seperti yang tersebut di atas untuk orang-orang yang hendak nikah. Apakah *ta'līq* seperti ini haram hukumnya? Menurut pendapat sebahagian orang *ta'līq* yang dibuat suka sama suka seperti yang lalu itu pun haram apa lagi *ta'līq* yang mengikat ini. Mudah-mudahan orang ramai menyedari perkara yang nampaknya berputar belit ini seolah-olahnya orang Islam, dengan cara yang tidak langsung terikut pula haram beristeri lebih daripada satu kerana walau bagaimanapun di dalam seribu payah mencari wanita yang suka hati dimadukan terutamanya di dalam bandar Singapura. Bahaya ini tidak di sini sahaja tetapi harus akan menambah perzinaan di antara mereka-mereka yang berpandukan hidupnya kepada hawa nafsu.

* * *

Siaran-siaran Kristian yang bertulis dengan huruf Jawi yang tentunya ditujukan kepada orang-orang Melayu yang

beragama Islam telah diharamkan oleh Pejabat Agama Johor

kerana kalau siaran-siaran itu diingini oleh orang-orang Islam

mereka akan murtad. Syabas Pejabat Agama Johor. Bagaimanakah

pendapat Jabatan Agama Negeri Sembilan, Selangor dan

lain-lainnya? Dahulu mereka menuntut ribut-ribut supaya kitab

Ibadat Rasulullah diharamkan padahal kitab itu

didasarkan kepada pengajaran *Kitāb Allāh* dan *al-Sunnah* –

tidak membawa kepada murtad. Mengapa tuan-tuan tidak mengambil

langkah? Tidakkah agama Islam agama rasmi negara? Semoleknya

Pemegang Mohor Raja-raja Melayu lekas-lekas bertindak – jangan

hanya mau bertindak kepada orang Islam yang mengucap

dua kalimah syahadah.

The advertisement is framed with a decorative border. At the top, it says 'أوبت برانق' (Obt Branq). Below that is a price of '\$15.50'. In the center, there's an illustration of a woman holding a baby. To the right of the woman is a circular logo featuring a goat. Below the illustration, the name 'Yahya Ariff' is written, followed by the address '37 JALAN KANGSAR K KANGSAR'.

Ubat beranak yang masyhur ini sangat digemari oleh ibu-ibu yang beranak di serata Tanah Melayu, Sarawak, Brunei dan Siam. Dengan menggunakan ubat ini **tak payah berdiang – tak payah bersalai**, badan sentiasa sihat dan segar.

Sekotak \$15.50 cukup untuk penggunaan sekali beranak tambah belanja pos 60 sen.

YAHYA ARIFF

37, Jalan Kangsar, Kuala Kangsar.